


HOUTMAN, H., De scheut. (Denakter). (1989).

0.71

- Speulers; Andries; man mit humor, iets uutlokkerig, gek anstikkerig A
 Bonne; liekt eerst eernstig, as ie een borrel op het kan te B
 best mitdoen.
 Cornelia Smit; dikke vrouw, die gauw kwaod is, kan op- C
 iens onder de indrok van een man raeken!
 vrouw Drent; keurige boerinne, is tegen draank D
 Ettema; is de veldwaachter, de pliesie, E
 Piekebaos, Jannes; de kaorties-controleur van vroeger Piek
 Figuranten; vier groten, twie kiender (?)

Teniël; zie tekening

Speulers kieken soms naor de hadriedsters
 Figuranten kieken veurnaemelik naor de riedsters
 Et touw wodt buten de ziedoeken vaaste hullen



Begin; B en C staon al an et touw te kieken. (+ uteraord de figuraanten)

A: (komt op) Hoe veer bin ze?

B: (kikt achteromme) Kom ie now pas!?

A: Ik was even in de tente, Bonne, even de hanen opwaarmen. Koold hè!

B: Ze zullen krek uutaende veur de dadde en de vierde pries. De vrouwluden staon al klaor an de start.

A: (kikt kaant van de start op, naor rechts) Wie bin dat aenlik?

B: Die blonde van Jelle Bos en die lange van Jacob Smit.

A: Dat wint die Jantsje Bos, dat wee'k zeker.

C; (dri'jt heur opiens omme, is de mem van Matsje Smit) (aargert heur an die opmarking) Hoe weet ie dat zo zeker Andries!? Onze Matsje het een peer goeie bienen onder't lief. Die lopt elke dag mar wat rap achter de kroje. Daar zol ie nog wat van leren kunnen! As ze in die eerste ritten niet zo gemien onderuut haeld was, had ze now veur't eerste plak riëden moeten!

A: O, vrouw Smit, ik had jow niet zien. Mar jow kun zeggen wat jow willen, jim Matsje is gien twiede Geeske Woudstra. Die wint de laeste tied haost alle priesen.

C: Waacht ie de lederiederi'je van kommende weke mar es of, dan wint ze 't gelosie.

B: Stille, ze gaon uut aende.

(stemme achter teniël; Klaor...)